



14326

III Mag. St. D.

P

Podgurski Samuelis. Ioannis: *Aperlio portae sanctae*
ad beatæ æternitatis angustiae.

PANEG. et VITAE
Polon. Fol.
N. 370.

A

I

!

APERTIO
PORTÆ SANCTÆ,
AD BEATÆ ÆTERNITATIS AUGUSTALE,
Eximijs Virtutibus, ac Immortalibus
in Ecclesiam Meritis,

Perillustris olim, & Reverendissimi Domini,

D. GEORGII
JANUSZOWIC,
JURIS UTRIVSQUE DOCTORIS,
Ecclesiarum, Cathedralis Cracovien: CANONICI,
B. Mariæ Virginis in Circulo Cracoviensi
ARCHIPRESBYTERI INFULATI,
S. R. M. SECRETARII;

DUM EI

*Post exactas gloriosè Septem Ætatis suæ Annorum myriades,
& unam trieteridem,
Viam Unversæ Carnis ingresso,*

Magno Sepulchralium honorum apparatu,
à Peraugusto Capitulo, Totaq; Inclyta Vrbe Crac:
in ECCLESIA ARCHIPRESBYTERALI,



Iusta parentalia
PERSOLVERENTUR;
dolenti calamo

14326^m

PER

M. SAMUELEM JOANNEM PODGURSKI,
*Pb. D. Eloquentiæ in Collegio Minori Professore, eiusdem Eccle-
siæ Archipresbyteralis Penitentiarium Radyminscianum, S. R. M. S.*
Ad æternam tanti Viri memoriam,

DESCRIPTA.

Anno Iubilei 1700. Urbis Crac: 1000. Universitatis Cracoviens:
à Fundatione D. Jagelonis 300. Die 29. Aprilis.

GRACOVIAE, Typis VNIVERSITATIS.

1700. 1701. 1702. 1703. 1704. 1705. 1706. 1707. 1708. 1709. 1710.

A P E R T I O P O R T Æ S A N C T Æ, Ad beatæ æternitatis Augustale.



Apitolium Cœleste ingressuris,
plurimum negotij, circa portam est.

Ab hac enim Sanctiori Arce,
onuisti pœnis arcentur Pœni;
etiãsi totam armauerint Africam.

Nempe quos sua illaqueat Capua,
hanc beatam Urbem capere nequeunt.

Et licet gemmea illa Pergama, suam quoq; vim patiantur;
sed tantum à Gratijs.

Illarum Suavis Violentia,
Cœlum non pugnando expugnat.

Pro hoc Illo decertantes Christiani Achilles,
Solo amore duce;

per medios ruunt Satellites.

Pernices in Olympijs militantis Ecclesiæ Ajaces,

Fortis armatus, qui custodit atrium;
intra Sacratiora ultro admittit Aydra.

Exeste hinc,

astutam sub pectore vulpem celantes Læertiadæ!

Vestibulum hoc, geminis duntaxat.

patere suevit Clauibus,
Virtutum & meritorum.

Exeste

vulnifici Phalaridum vultus!

Taurô suô immaniores belluæ:

Visio pacis, nec spectare dignatur talia ostenta.

Hanc beatam Tellurem

Soli mites possidebunt.

Cognatus Cœlo animus,

Nullis prauæ affectionis agitatæ tumultibus;

Cœli Hæres est.

Huius

Huiusmodi nobilem in porta Virum,
illud Cæsarianum manet:

Teneo te Africa;

qui suos motus tenere edidicit.

Niueæ mentes,

quibus nullus cum Censoria virgula instat Cato,
ingressum Augustioris Portæ, sibi meritò vendicant.

At fuliginosi Nigritæ,

teterrimum vitiorum halantes fumum,
procul à Regione lucis, in Phlegetonta protrudantur.

In libertatis Regno,

Sardi venales, non Consules modò;
sed ne inquilini quidem esse queunt.

Sterilescentes animæ,

quæ, assidua otij rigent glacie;
intra amæna Paradisi Cœlestis Liheta, non floreunt.

Soluto gelu pectoris,

attollere propius Phæbo caput necessum est,

qui cum Flore Nazærao delitiari exposcit.

Gemmeis portis augusta Civitas, ipsa aurum mundum;
nihil coinquinatum admittit.

Metropolis Regis magni, securitatis Regia,
non fortibus & potentibus,

Sed Dominis Virtutum,

Portas æternales, aperuisse, Divino œdypo, perhibetur.

Ita est,

Clusio, non Patultio sacrant,

qui se vitijis mancipârunt.

Talibus duntaxat

hiante ore, patet atri janua Ditis;

Cœlum mille obvallatur vectibus.

Felices animæ,

quibus virtus & merita anteambulones agunt;

aperiri his Portam Sanctam,

Divinior enuntiat Cyrrha.

Nempe virtus immeritis mori Cœlum recludens,

habet & claves & balistas,

quibus claustra beatæ Æternitatis referantur.

Huiusmodi Aprilis verè Aperilis

Tibi contigit,

Perillustris olim & Reverendissime Domine,

D. GEORGI IANUSZOWIC,

J. V. D. Ecclesiarum Cathedralis Crac: Canonice,

B. M. V. in Circulo Crac: Archipresbyter

Insulate &c.

Vir æternâ memoriâ dignissime.

apertâ, in Ecclesia militante Gratiarum Portâ

Tu quoq; derivatis ex ea Gratijs stipatus,

Rege hoc Mensium,

Portam Regni Cœlestis ingrederis,

pro Iubileo perennem inter Hierarchias jubilum acturus.

Nempe eodem cursu respondent ultima primis.

Gratiarum filius vixisti,

Gratiarum tempore, ab exilio in Patriam postliminio redijsti.

Quid enim Vita Tua fuit?

Nisi innocentix Prototypon, Virtutum encyclopædia?

A teneris non tener, sed maturus, exemplo monstrâsti,

posse in adolescente Virum esse,

Si mores adulescant.

Solam ergo teneritudinem conscientix retinens,

Chamalæonteam iuenum inconstantiam exuisti.

Amphitheatrum probitatis omnigenæ ingressus,

non Roscium, sed Athletam egisti.

Serius nempe ludus est, virtutis exercitium.

Tui ipsius Argus,

centum vigilijs virtutum oculatus,

mundi, tanquam fraudulentæ Mercurij versutias,

è specula mentis perspexisti.

Ebur illud mentis, sinceritatis CrySTALLUS,

Te Divis parem, hominibus pene superiorem monstravit.

Masculus ad seria animus,

in aduersis prosperisq; immotus, & constans.

Te Virum Quadratum probavit.

Difficile alijs negotium, affectibus habenas imponere;

Tibi

Tibi planè innatum supra irascibilem & concupiscibilem imperium.

Paucos vidit Orbis Alcidas,
qui monstra vitiorum triumpharent :
Tibi assidui ex hac Læna triumphii.
Quidquid Sybaritam olet, perosus,
decempedâ modestiæ, Te ipsum mensus es.
Ophtalmiâ nunquam laborans,
proximi felicitatem, Tuam existimans,
Securum à vulture Promethæi pectus gessisti.
Innocentiam mentis, corporis puritatem,
iugi custodiâ contra Paphiæ insultus, ita munivisti,
vt Te Hyppolito Castiorem exhibueris.

Nempe in ara cordis,
Vestalibus Sanctiores, quia Divini Amoris ardebant ignes ;
quibus Idalios focos extinguebas.

Contra sola vitia Vatinius,
debacchari tamen nunquam es visus ;
quia innata mansuetudo procellam animi componebat.
Eos, qui Curios simulant, & Bacchanalia viuunt,
exemplo Tuo damnans,

frugalitatis regulas, Regulo exactiùs domi forisq; obseruâsti.
Porro tam probatis moribus, Seneca monente,
sapientiam adjunxisti, aurum gemmâ ornâsti.

In Porta eruditi laboris,
Auroram quasi auream horam,
perpetuis diligentæ excubijs, ita coluisti ;
vt Amicissimam Tuis Musis effeceris.

Cleanteis Lampadibus,
Atticas noctes, in dies vertisti.

Rigidissimus temporis exactor,
nec trihorium Vacunæ concessisti.

Nutrimētum generosi animi labor,
ita Te in Olympijs Studiorum roborauit,
vt indefesso cursu, ad brauium perfectionis permeares.
Post tot pro Rostris Academicis, animorum victorias,
quanto plausu Portam Tibi honoris referauit ;

Cracia Pallas !

Gemino virtutis & eruditionis triumpho conspicuus.

geminas in Philosophia obtinuisti Laureas.
*Nempe illis tantum laureatos postes ingredi conceditur,
qui non à limine salutant Musas.*
Porro Sarmaticæ Athenæ & Iagellonicus Academicus,
in sublimi Doctoratûs Philosophici exedra,
jam Te Isocratem & diuiniorum venerabantur Platonem.
Inæstimabiles ingenij opes,
non ostentationi, sed aliorum eruditioni impendisti:
Hoc ipsò prodigus,
quod sinceritate docendi, & candore Academico
non Tibi sed alijs vixeris.
Phœbi more, cum alijs luceres,
etiam peregrinatione in Laurentias oras;
eundem imitatus es.
*Nempe mentes Cælo nata, uno Lare claudi nesciunt,
Sed solis instar, se in Orbem circumagunt.*
Consignauit in Vrbe Orbis Principe Vtraq; Signatura virtutes Tuas.
Sigillauit annulus Piscatoris
deuotum Sacræ Themidi pectus.
Ipsa Romana sapientia, Tuam sapientiam venerata,
fatum non vna Pallade caput,
Laureâ Iuridicâ redimiuit.
Adijsti sapius Astreæ Sacra,
vt dignus ipsius fieres Mystes.
Sacris interfuisti Consistorijs,
non perfunctorius tantæ Majestatis spectator;
sed integerrimus Canonice veritatis observator.
Regem Sacrorum adorasti,
vt beatior surgeres.
Singula Hesperij Orbis decora,
in vastissimum animum collegisti;
Vt viuum Pantheon virtutum & scientiarum,
in Patriam redijsses.
Limina Apostolica inuisti in terris,
vt Tibi ocius Clauiger,
Cœlestia referaret.
Porro cum pleriq; peregrinando, à se abeant,
Et nihil noui in Patriam referant, præter morum corruptellam;
Tu

Tu novus Aristides redijsti.

Gentilitia LILIA Tua,

tum demum majorem sparsere odorem.

Gemmeus innocentiae cander, auctus in eis in immensum,
congregavit, non disgregavit multorum in se obtutus.

Nulli flori excelsitas major;

nihil quoque; mente Tuâ DEO Sacratâ sublimius.

Quid enim KŁOSNIK seu MANIPULVS LILIORVM,
in AVREA COLUMNA denotavit?

nisi caput aureum, præcelis honorum fascibus coronandum.

Obeiscus hic, ex Principe metallo conflatus,

utique; non vno seculo fulcivit & ornavit Ecclesiam.

En ut admouent hanc Columnam Templo DEI,

peritiores Careres, Illustres Tui Antenati!

Adhuc prostat aureus Solis Iustitiæ Colossus,

in Vauello,

Perillustris olim & Reverendissimus Dominus,

BARTHOLOMÆVS IANUSZOWIC,

Ecclesiæ Cathedr: Crac: Canonicus, I. V. Tripos.

Eum Virum

statera iudicij, ita ZADZIKOVIANÆ olim prudentiæ cōmendavit;
ut corculum suum, & dextram manum appellauerit.

Vidit nempe Celsissimus PRINCEPS & pientissimus PRÆSVL,
COLUMNAM hanc, nullis laboribus fractam;

ideo partem Sollicitudinis Pastoralis maximam, in illa reposuit.

Audiuit tunc attonita Diœcesis IANUSZOVIVM,

Generalem Causarum AUDITOREM,

& experta est aureum os & linguam, tanti Antistitis fuisse.

Compendium Gratiarum,

Perillustris olim & Reverendissimus Dominus,

IOANNES IANUSZOWIC,

Ecclesiæ Cathedralis Premisliensis Canonicus:

Verè iustitiæ Canon, Virtutum omnium gnomon,

Certè hic germani Sanguinis tui vnio, dulci eloquio ipsa Charis,
cùm nihil mortale egisset,

hactenus in omnium pectoribus vivere non desinit.

*Nempe sola virtus, architecta immortalitatis,
inter funera vivit Phenix.*

Flos Prædicatorum

Religiosissimus, & Admodum Reverendus Pater,

ERASMVS IANUSZOWIC,

Sacræ Theologiæ Præsentatus,

Dominicanæ Familiæ dulce Decus & Præsidium,

Solis Aquinatici, illustris umbra.

In utraq; exedra, Lilia & Rosas locutus noster hic Arpinas,

Traducem à maioribus pietatem,

ut ægritudini animorum mederetur,

dulcissimis Nominibus I E S V & M A R I Æ, ita excoluit:

ut vas Electionis meritò audierit.

Sed quò penna evolas?

Præeuntes ad Portas Cæli tot Aborigenes, veros Israëlitas,

(in quibus, non est inventus dolus,) suis cum virtutibus;

sola æternitatis Diphtera, iam dudum connotavit.

Siste gradum candidæ volucris nata!

Solum GEORGIVM, ex Portis virtutum & meritorum,
ad Portas honorum, Principum comitante favore prodeuntem;

ocys sequere.

Primam ei honoris Ianuam, ultro aperuit,
in Collatione Decanatûs, ad Ecclesiam Collegiatâ Sandomiriensem,

Serenissimus olim & Invictissimus,

IOANNES CASIMIRVS,

Poloniarum Rex,

Regalis & victoriosissimæ Iagellonicæ stirpis, Coronis & Corona.

Miraris, repulsis tot ab hac Sponsa Procis,

Principis animum, in GEORGIVM inclinasse?

sed eximia ipsius virtus, admirationem excutit.

Dignus erat, ut etiam sine instantia, tanti honoris Portâ occuparet.

Nam illis tantum precario honor venit;

quibus nullum à virtute Suffragium est.

vnde etiam ipso tacente

Tanta merita ad Principem perorarunt.

Iterum provola, sublimius calame!

Periucundum spectaculum visurus.

Trzebicianus Olor, Polonæ felicitatis Oscan,

concolorem sibi JANUSZOVIANI Liliij candorem;
en vt in apricum exposuit!

Fuerant tunc, in aula pij PRÆSVLIS, plurimi Themistocles,
quibus huius Miltiadis trophæa somnum excutiebant.

Attrivère cothurnos terendo sæpius Principis limina;
patentes tamen honoris Ianuas, vix meruère.

Scilicet à sola Lucina, in tantam lucem se deducendos autumabant.

Felicioꝛ virtute duce, comite labore Candidatus
I A N V S Z O V I V S.

Palmas alijs non præripuit, sed vltro oblatas modestè prætulit.

Inter conscriptos excelsi V A V E L L I P A T R E S,

in eam Portam honoris primus ducitur,

quæ, præscribente LEONE X, nobiliori dūtaxat destinata sanguini.

Adeo virtuti in via, nulla est via;

qua, perobstantes catervas explicat sua victrix arma.

Quid tandem senserit de JANUSZOVIO,
Augustior ille Senatus?

paucis excipe;

Omnes, illum velut vnionem suarum Coronarum,
in sacrario cordium fovebant.

Omnes, tanquam effigiem boni viri,
aut imitati aut mirati.

Cuncti velut columbam felle carentem amplexi.

Stupenda viri mansuetudo, comitas, vita exemplaris,
prudentia,

quodam magnetismò omnium corda ad se trahebat.

Summis quibusvis negotijs tractandis, ex asse par,
sub nulla mole fatiscebat.

Romanis & Diœcesanis Commissionibus

ad causas grandis importantiæ, datus Arbiter,

Sapientiam pariter & æquitatem, publice exploratam reliquit.

Judex Surrogatus

in observatione Canonis Areopagitam egit.

Felix tanto sub Iudice causa, nunquam experta Rhadamantum.

Tanta rerum momenta, æternis digna monumentis expeditit:

vt etiam Magnus ille Byzantini Orientis Triumphator,

Regum Poloniae Phœbus,

C

unicus

vnicus Literatorum Mecœnas
Serenissimus olim & Potentissimus
I O A N N E S III.

Poloniarum Rex,

comparem Intelligentijs viri genium probauerit.
Optabant alij, beatum hoc Circuli Cracoviensis centrum,
Anhelabant augustam hanc sanctioris Berecynthiæ Ædem;
Sed IOANNES ipsa Gratia, vota GEORGII præuenit,
vt olim Compalæstritæ sui, concentratas virtutes,
in Porta Regiæ Urbis coronaret.
Assurgite iam Sanctiores Principis Ecclesiæ postes!

Attolite Portas!

Magni Archipresbyteri vestri, pios recipite Manes,
Basilica Magnæ DEI Matris,

pande Ostium exiguæ ædiculæ,
quam pauloante Magnus tui Prælati inhabitavit Animus.

Iam non solus Augustus

Se lateritiam accepisse Romam,
marmoream reliquisse gloriatur!

cum JANUSZOVIANA pietas,
postibus & pavimentis marmoreis,

Romani æmulum, Tibi auxerit decorem.

Non invidemus, sua Quiritibus festa,
quibus vestibula ædium floribus coronabant;

en redimita JANUSZOVIANIS LILIIS,

Sacra DEI Parentis adyta,

Solennem hanc, in ævum servatura sunt pompam.

Hic Sacra patientis Christi tragœdia,
vivis coloribus expressa.

Hic Flos Campi,

calcaneo impiorum olim prostritus;

in sumptuosissimis, visendus exponitur Iconismis.

Hic in Sacris Altarium paramentis,
effusa JANUSZEVII, triumphat liberalitas

Sed

Sed iam illachrymare Calame!
Cum Prælatus Clero, Pastor Gregi, Patronus clientibus,
Pauperibus Pater,
quos paulò ante Pane cœlesti, verbo, exemplo,
opibus, & ope, aluerat.

ingeminet: Salve æternumq; vale.

Dudum se præeuntibus, virtutibus ac meritis immortalibus,
iam in referata, beatæ æternitatis Porta constitit;

Cracia Porta vale.

Annosus Nestor,

exacto Urbis ævo, interminabile ævum inhoavit.

Fidem seruavit, cursum consumavit,

æquitatis Doctor & factor,

in reliquo quid repositum haberet?

nisi coronam Iustitiæ? quam ei reddet iustus Iudex.

*Quod si, quâcunq; Porta egredimur in mundum,
eburneâ corneâve;*

non casu, sed æternis Providentiæ Legibus prodeamus;

quis mortem in casum & fortunam referat?

Statutum est hominibus semel mori.

Ingressus & egressus nostri, destinata est dies.

Ast hæc divina sanctio, indulgentius egit,

cum pientissimo Archipresbytero.

Ipso die Tutelaræ sui, mortalis esse desit;

ut Divinus Heros, Domitor stygij Draconis GEORGIVS,

Baiulum Nominis sui & virtutis,

securum, ad Portas beatæ æternitatis perduceret.

Porro cum sic translatus ad plures,

omnes valere jubeat cupiatve;

Vobis, mœstissimi vltimarum Tabularum Executores,

integerrimi, suæ mentis Præstitæ,

utriusq; salutis Faustum peroptat seculum.

Tibi eximia RUSZKOVIANA pietas,

Sint fasti semper in Vavello dies, & inter Coronas,

etiam TJARÆ, erudito vertici desuper imponantur.

Tibi Magne Successor,

*Par
Sci as edo
as iuvenire
cum Lyspe*

Perillustri, & Reverendissime Domine,
DOMINICE LOCHMAN,

Juris Vtriusq; Doctor.
Ecclesiarum Beatæ MARIÆ Virg. in Circulo Crac:

Archipresbyter Infulate,

Collegiatarum, Sandomiriensis DECANE,

Opatoviensis CUSTOS, &c.

Vti pro coadiutrice cura,
cœlestia precatur cum honoribus charismata;
Ita se suumq; Ovile in Sacrario cordis reponit.

Cum sis Dominicus,

Dominicum gregem incolumis pascere."

Fesso Atlante adhuc stante vita, suffectus Hercules,
sacro ponderi lacertos suppone,

& diutissime Portantem omnia porta.

Tibi Fraternalis sanguinis gemma, quem filiali obsequio venerabaris;
desideratissimus Patruus,

divinæ benedictionis vover auctoramenta.

Vobis omnibus qui hinc exeuntem,
ad apertionem **PORTÆ SANCTÆ**,
votis vestris comitati estis, æternum geminat:

Vt videatis Cœlos apertos,

Et **JESUM** stantem à Dextris Virtutis **DEI**.

Permissu Magnifici Domini
RECTORIS.



P. XIX. 20



